

ADOLPHI MEKERCHI
BRUGENSIS I.C.

ΠΑΡΩΔΙΑ ΕΚΑΤΟΣΤΙΧΟΣ,

FRONTISPICII

EXPLICATIO.

IMMENSAM Terræ molem, vastique meatus
Oceani, toto sparsas & in aquore terras,
Scriptorum multi veterum multiq̃ue recentum
Ingenio præstanti & rerum divite censu
Hactenus aggressi, triplices tantummodo partes
Invenere Orbis, quas nec describere plenè
Posse datum est. Nostro id longè felicius ævo
Præstitit ORTELIVS multò majoribus ausis:
ORTELIVS, quem quadrijugo super aëra curru
Phæbus Apollo vehi secum dedit, unde jacentes
Lustraret terras circumfusumq̃ue profundum.
Hinc olli Phæbum, qui conspicit omnia, prorsus
Ignotas, alio penitus penitusq̃ue sub Orbis
Axe sitas monstraſſe plagas, solisq̃ue reſectas
Indigenis, Orbemq̃ue novum, gentesq̃ue, virósque
Detexiſſe ferunt, mundiſque arcana remoti.

Ille igitur, studiis quò consulat, hocce THEATRVM
ORBIS TERRARVM toti communicat Orbi.

In quo non veterum errores, incertave tradit
Somnia, sed tripode ex ipſo certiſſima viſa.

Quoque magis mirere, tribus ſuperaddidit Orbis
Partibus hic binas alias, quas nemo priorum
Vel fando audierat. Frontem ſolum adſpice libri,
Invenies etiam quod te pictura docebit.

Arce ſedet ſumma ſolio Regina ſuperbo
EVROPE, cujus viridis faſtigia lambit
Pampinus, & dulci vitis ſecunda racemo.
(Nam colit Europe Bacchum, Bacchus colit illam)
Dextra manus ſceptrum geſtat, clavumq̃ue ſiniſtra
Admotum ſphærae, caput eſt inſigne corona.
Hæc reliquis Nymphis excelsior omnibus una eſt,
Et latè, auſpiciſque quondam victricibus armis

QUINQUE
ORBIS PAR
TES.

EVROPA.